

**Канон преподобному исповеднику
Феодору Студиту**

Канон преподобнаго. Глас 8.

Песнь 1.

Ирмос: Колесницегонителя фараоня погрузи чудотвори иногда Моисейский жезл, крестообразно поразив и разделив море, Израиля же беглеца, пешеходца спасе, песнь Божии воспевающая.

Привес: Преподобне отче Феодоре, моли Бога о нас.

Светолучными блистаниями Духа Святаго освещаемь, все-светлый столп, отче, был еси, путеводя, богоглаголив, к земли обещания богомудренно тщания, тайнниче неизреченных Феодоре.

Всерадостно неослабными манованиями к Богу исходя, прежде конца явился еси, мертвостью жизненною одян, преподобне, и жизнь нестаряющуюся ныне приял еси достойно, отче богоносе Феодоре.

Победив страстей игрища и мучителей стремления юношески, блаженне, вся укорил еси, мужество показав, Христов образ чтить научая, богоприятне, и святых воображения.

Слава: Очищеною мыслию, всеумдре, богодухновенным писанием поучаяся, богатство добродетелей собрал еси и благочестия догматы, видением обогатился еси и жития светлостью, возсияв обоюду, преподобне.

И ныне, Богородичен: Слова Божия воплощенна родила еси, Иже прежде безплотнаго, богомужно в мире прожившаго преестественно, Всенепорочная Богородице Дево. Тем Тя вси почитаем, по Бозе Предстательницу нашу.

Песнь 3.

Ирмос: Утверждей в начале небеса разумом и землю на водах

основáвый, на кáмени мя, Христé, зáповедей Твои́х утверди́, я́ко не́сть свѣт, па́че Тебе́, Еди́не Человеколю́бче.

Вжиля́емь Христóвым, всеблаже́нне, всеору́жием, я́зв болéзни претерпéл еси́, ураня́емь лю́те и в темни́це заклю́чаемь, я́ко о́бщник страсте́й и Ца́рствия бы́л еси́.

Богопокрыва́емь я́ве и Того́ ре́вностию разжигáемь, сквѣрная учéния беззакóнных разруши́л еси́ твои́ми учéнии, всему́дре, благода́тию бо от Бо́га, о́тче, обогати́вся досто́йно.

Сла́ва: В видéнии дéлателен, в дея́нии богосло́в бы́л еси́ на́м, богоглаго́ливе, по́стник учи́телен, священномученик сла́вен, Правосла́вия сто́лп, Це́ркве утвержде́ние.

И ныне, Богородичен: Соприсносу́щное Отцу́ и Ду́ху Бо́г Сло́во обновíti восхотéв родоначáльника, по Ипостáси того́ из Тебе́, Чи́стая, прият, святéйшу все́х Тя, Богома́ти, обрёт.

Седáлен преподо́бнаго, глас 3.

Божéственными догма́ты обогати́вся, véру соблю́л еси́ правосла́вия, предбе́дствовав за ню́, Феодо́ре, в заточéниях пострада́в и биéниях, в темни́цах претерпéв озлоблéния, о́тче преподо́бне, Христа́ Бо́га моли́ дарова́ти на́м véлию ми́лость.

Пѣснь 4.

Ирмос: Ты́ моя́ крѣпость, Го́споди, Ты́ моя́ и си́ла, Ты́ мой Бо́г, Ты́ моё ра́дование, не оста́вь нѣдра Отча, и на́шу нищету́ посетив. Тём с проро́ком Авваку́мом зову́ Ти: си́ле Твоёй сла́ва, Человеколю́бче.

Да́р Бо́жий да́лся еси́ ми́ру тезоименит, богáтыми дарми́ сия́ющ, я́ко исто́чник имéяй йстинно озарéний сущих, блаже́нне Феодо́ре. Тём учи́телем, по́стником и свидéтелем сликовствова́ти мно́жеству сподо́бился еси́.

О, твёрдаго и крѣпкаго твоего́ противлéния! Имже мучи́-

телей свирѣпство попрал еси, егѡже ради явственнѡ ты паче умѡ благоначѡльства конѣчное блаженство постигл еси, богомудре, со безтелесными поя: силе Твоѣй слава, Человеколюбче.

Слава: Глагол Божий в тебѣ явственнейше всѣлся, догматов, премудре Феодоре, реки точит обильно: теми же нынѣ наслаждающесе, ученицы твои, богодухновенне, благодарно вопиѣм гласы немолчными: силе Твоѣй слава, Человеколюбче.

И ныне, Богородичен: Всегѡ в Тебѣ обновляет человека, весь всему, Всечыстая, соединяемь, Иже, Отѣческих недр не отступль, и в Твоѣ чрево вселитися изволи, богатством благоутрѡбия вольно обнищав и обогатив мир Божеством.

Пѣснь 5

Ирмос: Вскую мя отринул еси от лица Твоегѡ, Свете незаходимый, и покрѣла мя естъ чуждая тма окаяннаго? Но обрати мя, и к свету заповедей Твоих пути моя направи, молюся.

Ум, и душу, и тело словом очистив, храм всечестен Бога всѣх был еси, жив же и одушевлен, благоволия жертву, всегѡ себе Христу принося, отче, иерей и жертва быв.

Осияемь, блаженне, зарю Духа, всем возблистал еси богословным языком Троичный Свет пречыстый, воплощения же еже паче умѡ Божия Слова неизреченное, отче, таинство.

Слава: Разумно со Ангелы нынѣ водворяяся, Христа моли страстей и бед избавити блажация и чтущия всечестную и божественную память страданий твоих, богоносе Феодоре.

И ныне, Богородичен: Незглаголаным, Дѣво, образом

СЫН БОЖИЙ, в Тя вселівся, Человѣк бываѣт, прѣжде вѣк из Отца возсіявый, человека от тли избавляет и к жизни и нетленію возведѣ, яко едѣн Благоутрѣбен.

Пѣснь 6.

Ирмос: Очисти мя, Спасе, многа бо беззаконія моя, и из глубины зѣл возведи, молюся, к Тебѣ бо возопих, и услыши мя, Бѣже спасенія моего.

Целомудренно твою жизнь, священноглагольниче, совершил еси, правдою же украсився, мужеством и мудростию, краснейшую колесницу добродетелей сочетал еси себе, всеблаженне преподобне.

Благоухают благолепно догматов божественная словеса твоя и из глубины злых ересей вся возводят, всемудре, православия к превышней крайности.

Слава: Возсия тебе свет, и сего, отче, сопруг веселие ныне светлое яве: яко финикс, бо процвел еси, всеблаженне Феодоре, и, яко кедр, умножился еси, досточудне.

И ныне, Богородичен: Да избавимся от лютых прегрешений мольбами Твоими, Богородительнице Чистая, и да улучим, Пресвятая, Божественнаго осияния из Тебе неизреченно воплощеннаго Сына Божия.

Кондак преподобнаго, глас 2.

Постническое и равноангельное житие твое страдальческими уяснил еси подвиги и Ангелом совсельник, богоблаженне, явился еси, Феодоре. С ними Христу Богу моляся не претай о всех нас.

Икос:

Постников светлую доброту, Церкви Христовы утверждение, ныне Феодора восхвалим: новый бо столп огнен явися,

попаляя главы еретичествующих, верных же просвещая души к вере правей, в Божественный град, вышний Иерусалим, якоже другого Израиля, вводя. К немуже согласно возопием: всеблаженне отче, не забуди, Христу моляся непрестанно о всех нас.

Песнь 7.

Ирмос: Божия снизхождения огонь устыдися в Вавилоне иногда, сего ради отроцы в пещи, радованною ногою, яко во цветнице, ликующе пояху: благословен еси, Боже отец наших.

Видев Провидец твоего разума чистоту, словесных твоих овец пастыря, отче, предлагает, Емуже ныне, всеблаженне, зовещи, Феодоре, веселяся: благословен Бог отец наших.

Божественному подобию образа, треблаженне, вочеловечения Христова, поклоняяся, пребываеши, богоборцем противляяся даже до крове и поя, Феодоре: благословен Бог отец наших.

Слава: Слово твое солию услаждено явися, всебогате, и житие твое, отче, просвещено зарею Духа, Имже ныне блистая, вопиеши, радуяся: благословен Бог отец наших.

И ныне, Богородичен: Се ныне исполнися Давида божественнаго божественное проречение: молятся истинно Твоему лицу, Богородительнице Чистая, имущии богатство благодати ныне, благословяще Бога отец наших.

Песнь 8.

Ирмос: Седмерицею пещь халдейский мучитель богочестивым неистовно разжже, силою же лучшею спасены сия видево, Творцу и Избавителю вопияше: отроцы, благословите, священницы, воспойте, людие, превозносите во вся веки.

Прогнаны показал еси, богоносе Феодоре, обретатели зло-

честивых ересей, уча пречистый чтити образ Христов, поклонятися же и честно почитати богомудренно и пети Владыце: священницы, благословите, людие, превозносите Его во веки.

Во всем житии твоём, богоглаголиве Феодоре, православия путевождь был еси, светильник светлейший, боговидный учитель, образ монахов и известен законописец, научая воспевати: священницы, благословите Владыку Христа и превозносите Его во веки.

На земли подвижался еси благочестия защитник и неправды нелживый обличитель, всеблаженне, быв, яко дар Божий, и на небесех правды венчался еси венцы, течение совершил еси и веру соблюл еси, превознося Христа во веки.

Слава: Смыслом ум украсил еси, целомудрием желание, яростное же мужеством препоясал еси, Феодоре всемудре, правдою исправив священнолэпно душевные твои силы, согласно воспевая: дети, благословите, священницы, воспойте, людие, превозносите Его во веки.

И ныне, Богородичен: Благословенная Пречистая, души моея струны и греха язвы очисти: Бога бо рождающая, сущаго над всеми, Отроковице Чистая, из девственных неискусобренных утробы. Егоже благословит вся тварь и превознесит во вся веки.

Песнь 9

Ирмос: Ужасеся о сем небо, и земли удивившася концы, яко Бог явися человеком плотски, и чрево Твое бысть пространнейшее небес. Тем Тя, Богородицу, Ангелов и человек чиновачалия величают.

Теченьми твоих слез, яко постник, и источники кровей,

яко свидѣтель Христовъ, просветѣвша, сияеши обоюдо свѣтло, правдою, преподобне, одеян, яко священник, в божественныхъ житѣльствуеши лицехъ, ныне просвещаемъ в неходныхъ, треблаженне.

Чисте твоѣ житиѣ прешѣд, во святыхъ святая селѣниихъ ныне живѣши, венѣцъ благолѣпия приѣм и царства одеяние великолѣпное же и священное, в нихже ныне, озаряемъ, предстоиши невестнику, наслаждаяся обоженія.

Видети сподобился еси благихъ источникъ, богоносе Феодоре, яко прешѣд житиѣ божественнейшее истинно, от мирскаго свойства житиѣмъ чистымъ умъ свободивъ, яко свидѣтель и страстносецъ былъ еси, священне.

Слава: Глаголъ твоихъ вещание, дарованіе Божіе, намъ всеслышанъ бысть, всехвальне, яко громъ, вселенныя в концѣхъ, и, якоже рѣки, истекаютъ твоихъ ученій списанія. Тѣмъ ты богослово и богоглагольника достойно именуемъ.

И ныне, Богородичен: Явилася еси, о Дѣво Мати Божія, паче естества рождши в телесіи благое Слово, Егоче Отецъ отъ сердца Своего отрыгну прѣжде всехъ вѣкъ яко Благъ, Егоче ныне и телесъ превышша разумеваемъ, аще и в тѣло облечеса.

Светѣлен преподобнаго:

Яко стѣлпъ одушевленъ, явился еси догматовъ православія благочестно, обличивъ иконоборцовъ прѣлесть, тѣмъ и, страданіемъ совершивъ исповѣданіе, Феодоре, прославился еси.

Молитва преподобному Феодору Студиту

О, священная главо, преподобне отче, преблаженне авво Феодоре! Не забуди убогихъ твоихъ до конца, но поминай насъ

всегда во святых твоих и благоприятных молитвах к Богу! Помяни стадо твое, еже сам упасл еси, и не забуди посещати чад твоих. Моли за ны, отче священней, за дети твоя духовныя, яко имеяй дерзновение к Небесному Царю; не премолчи за ны ко Господу, и не презри нас, верою и любовью чтущих тя. Поминай нас недостойных у Престола Вседержителя, и не преставай моляся о нас ко Христу Богу: ибо дана тебе бысть благодать за ны молитися. Не мним бо тя суща мертва: аще бо телом и преставился еси от нас, но и по смерти жив сый пребываеши. Не отступай от нас духом, сохраняя нас от стрел вражиих и всякия прелести бесовския и козней диавольских, пастырю наш добрый. Аще бо и мощей твоих рака пред очима нашими видима есть всегда, но святая твоя душа со Ангельскими воинствами, со Безплотными лики, с Небесными силами, у Престола Вседержителя предстоящи, достойно веселится. Ведуще убо ты воистинну и по смерти жива суща, тебе припадаем и тебе молимся: молися о нас Всесильному Богу, о пользе душ наших, и испроси нам время на покаяние, да невозбранно прейдем от земли на Небо, от мытарств же горьких, бесов, воздушных князей и от вечныя муки да избавимся, и Небеснаго Царствия наследницы да будем со всеми праведными, от века угодившими Богу нашему Иисусу Христу; Ему же подобает всякая слава, честь и поклонение, со Безначальным Его Отцем и с Пресвятым и Благим и Животворящим Его Духом, ныне и присно и во веки веков. Аминь.

Тропарь преподобному Феодору Студиту, исповеднику, глас 8

Правосла́вия наста́вниче, / благоче́стия учи́телю и чи-
стоты́, / вселённыя свети́льниче, / мона́шествующих
богодухнове́нное удобре́ние, / Феодо́ре премúдре, / учёными
твои́ми вся́ просвети́л еси́, / цевни́це духо́вная, // моли́
Христá Бо́га спасты́ся душа́м на́шим.

Кондак преподобному Феодору Студиту, глас 2

По́стническое и равноа́нгельное жити́е твоё / страда́льче-
скими уясни́л еси́ по́двиги / и А́нгелом совсёлник, Бого-
блаже́нне, яви́лся еси́, Феодо́ре. / С ни́ми Христú Бо́гу
моля́ся // не преста́й о всех нас.

Величание

Ублажа́ем тя, / преподобне отче Феодоре, / и чтим святу́ю
память твою́, / наставниче монахов // и собеседниче ангелов.